



Broj: 101-1-3145/24

Datum: 30.8.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3141/24 od 29.8.2024. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Rekonstrukcija atletske staze s pripadajućim terenom“

I

Prihvata se preporuka Komisije za javnu nabavku u postupku javne nabavke pod nazivom „Rekonstrukcija atletske staze s pripadajućim terenom“, broj: 180-3141/24 od 29.8.2024. godine i ugovor o nabavci radova u predmetnom postupku se dodjeljuje grupi ponuđača „Dinalsa“ d.o.o. Sarajevo, Huseina Đoze br. 3, 71000 Sarajevo (ovlašteni predstavnik grupe ponuđača) i „Pejkom“ d.o.o. Beograd, Branka Krsmanovića br. 6, 11050 Beograd (član grupe ponuđača), u skladu s dostavljenom ponudom br. 0306/24 od 26.8.2024. godine. **sa ukupnom cijenom u iznosu od 970.385,07 KM bez PDV-a.**

II

Ugovor o nabavci radova se dodjeljuje ponuđaču iz tačke I ove Odluke, sa ukupnom cijenom u iznosu od 970.385,07 KM bez PDV-a.

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 12.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



Obrazloženje

Odlukom broj: 101-1-3026/24 od 19.7.2024. godine pokrenut je postupak javne nabavke radova pod nazivom „Rekonstrukcija atletske staze s pripadajućim terenom“, putem otvorenog postupka. Komisija za provođenje postupka javne nabavke imenovana je Odlukom broj: 101-1-3027/24 od 19.7.2024. godine. U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 973.000,00 KM. Obavještenje o nabavci broj: 66-1-3-87-3-31/24 objavljeno je na portalu javnih nabavki dana 26.7.2024. godine, zajedno sa Tenderskom dokumentacijom broj: 101-1-3032/24. Ispravka za obavještenje o nabavci broj: 66-1-3-87-8-33/24 objavljena je 15.8.2024. godine.

Komisija za javnu nabavku je dostavila rektorici Univerziteta Zapisnik o pregledu i ocjeni ponuda u predmetnom postupku, Preporuku o izboru najpovoljnijeg ponuđača i Izvještaj o radu.

U skladu sa Tenderskom dokumentacijom i obavještenjima o nabavci dana 27.8.2024. godine sa početkom u 10:15 sati održano je javno otvaranje ponuda. U predviđenom roku za prijem ponuda (27.8.2024. godine do 10:00 sati) zaprimljene su 2 (dvije) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-3105/24	Grupa ponuđača: „Dinalsa“ d.o.o. i „Pejkom“ d.o.o.	27.8.2024. godine u 08:10 sati
2.	180-3106/24	Grupa ponuđača: „Izgradnja Tojaga“ d.o.o., „Mavas“ d.o.o., „Top Sport“ d.o.o. i „Natural Grass Africa“	27.8.2024. godine u 09:44 sati

Nakon izvršenog pregleda ponuda, Komisija je konstatovala sljedeće:

Ponuda grupe ponuđača „Dinalsa“ d.o.o. Sarajevo i „Pejkom“ d.o.o. Beograd je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Prilikom ocjene ponude grupe ponuđača „Dinalsa“ d.o.o. Sarajevo i „Pejkom“ d.o.o. Beograd uočena je računaska greška, te je dana 28.8.2024. godine upućen Zahtjev za prihvatanje ispravke računaska greške. Ovlašteni predstavnik ponuđača je dana 28.8.2024. godine dostavio Saglasnost za ispravku računaska greške broj: 0310/24 kojom je prihvaćena ispravka računaska greške u ponudi, te je Komisija nastavila s radom.

Ukupna cijena ponude iznosi 970.385,07 KM bez PDV-a. Ponuđač nije dao popust na cijenu.

Ponuda grupe ponuđača „Izgradnja Tojaga“ d.o.o., „Mavas“ d.o.o., „Top Sport“ d.o.o. i „Natural Grass Africa“ je ocijenjena kao neprihvatljiva jer ponuđač nije dostavio sljedeće dokaze tražene tenderskom dokumentacijom:

1. Potvrde koje daje druga ugovorna strana o uredno izvršenim ugovorima, a koje moraju sadržavati sljedeće podatke: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode da



- je ugovor uredno izvršen, sve u skladu sa tačkom 14.2. Tenderske dokumentacije u predmetnom postupku, u svrhu dokazivanja tehničke i profesionalne sposobnosti.
2. Za ponuđenu travu nije dostavljen labo test po standardu EN 15330-1:2014, kako je traženo tenderskom dokumentacijom.

Na osnovu svega navedenog, ponuda grupe ponuđača: „Izgradnja Tojaga“ d.o.o., „Mavas“ d.o.o., „Top Sport“ d.o.o. i „Natural Grass Africa“ je odbačena na osnovu člana 68. stav (1) Zakona o javnim nabavkama, a u skladu sa članom 2. tačka 1) alineja 2) Zakona o javnim nabavkama.

Tačkom 26. Tenderske dokumentacije u predmetnom postupku bilo je predviđeno održavanje e-aukcije za ovaj postupak nabavke, međutim, kako je primljena samo jedna prihvatljiva ponuda, e-aukcija nije ni zakazana.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor dodijeli **grupi ponuđača „Dinalsa“ d.o.o. Sarajevo i „Pejkom“ d.o.o. Beograd**, sa ukupnom cijenom ponude u iznosu od **970.385,07 KM bez PDV-a**.

Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je ocijenjena kao najpovoljnija u skladu s postavljenim kriterijem najniža cijena.

U postupku donošenja Odluke posebno su cijenjene činjenice da je Komisija za javnu nabavku pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno, putem pošte ili elektronskim putem.

REKTORICA

prof. dr. Alena Huseinbegović



Dostaviti:

1. Ovlaštenom predstavniku grupe ponuđača: „Dinalsa“ d.o.o. Sarajevo
2. Ovlaštenom predstavniku grupe ponuđača: „Izgradnja Tojaga“ d.o.o. Mostar
3. U predmet
4. a/a